

韋齋集

八和16
927
4



7 8 9 80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5



16



華齋集卷十

新安朱松喬年著

十七世裔孫玉重輯

廿三世裔孫振鐸重鋟

序記跋文

錄曾祖父作詩後序

唐人陶雅爲歙州初克婺川天祐中吾祖以雅之命
主婺川輸賦總卒三千人戍之邑屋賴以安因家焉
是爲婺川吳郡朱氏之始祖邑有朱氏沛國郡蓋初來於歙
之黃墩今歙民有朱氏秋祭或用魚鱉者皆族也家
婺源者貲產甚富有三子事南唐補承旨常侍之號

其後多有散居他郡者家父漱溪府君卽其曾孫也
卽漱溪府君諱惟甫字全美者曾祖之父也
繼其居第二百年不徙今普前府君有從兄名陵宇貫之少孤力學有時名咸平中以

鄉薦試南宮不利還家隱於卜肆不求聞達天聖中老死無嗣府君爲治後事今未知其墓漱溪府君少倣儻

事繼母甚謹嘗從兄學詩知其大要大中祥符甲寅歲官贊杜公爲婺源使居吏籍二十年明於法律而鄉里無怨言景祐甲戌辭吏事歸治生業雖煩劇中賦詩自如也嘗自集其詩得三百餘篇諸族中往往有之但不甚全自爲一序効王元之爲潘閬詩序體其詩立意教

化而不苟作識者以爲自成一家享年七十有六三男二女松行曾祖蘆村府君其季子也惜其無以自發於世因序其後以貽子孫有起家者爲光揚之嘉祐五年庚午仲春旣望男從手序此蘆村府君所作序也丁從辰酉政和八月十二日重錄

送程復亨序

廣平程某復亨謂予外兄從予遊於閩者二年予語以安逸憂患知之詳矣將歸省其母及其祖母其可以無言司徒文子問於子思曰親喪三年未葬則何服子思曰三年而未葬則服不除也故告之一日葬吾舅而後加吉服夫子失魯司寇將之荆先之以子

夏申之以冉有曰喪不欲其速貧古之君子以失位於諸侯曰喪喪不欲其速貧若是其急也故告之二日葺爾居以寧爾親蓬生麻中不扶自直植之榛莽則與之靡然故告之三日非爾父之類者勿親也江出岷山自荆之楚汪洋千里而至於海者大川三百小川三千以爲之助也故告之四日廣學問以資見聞傳曰宴安鳩毒不可懷也君子非獨惡懷安之敗名惡其敗性也故告之五日勿懷安禮曰男子生則以桑弧蓬矢射天地四方示志也夫不貲之軀豈其浮沈鄉里而名不稱故告之六日無忘四方之志夫

齊之善某者淄澑之合能辨之淄澑之合均是水也子歸矣他日執經而來問予能入於常流而不變其昧乎尚能爲君辨之宣和辛丑八月某日朱某序

送日者蘓君序

小雅之詩天之生我我辰安在說者謂所值歲時月日星辰六物之吉凶然則推步人生時之所值以占其貴賤壽夭自周以來有之矣後世卜筮訾相地理之學多著於世而六物之語時或見於簡冊自賈誼王充皆有祿命之語詳其旨殆與說詩者之意合呂才雖著論痛詆其誣可以挾一時湛溺之弊而天人

之精微才不及也然以其學焯然名世者蓋鮮至唐殿中侍御史李虛中始以造詣精奧之思盡發其祕其說見於韓退之之墓誌曰以人之始生年月日所直日辰支干斟酌其人壽夭貴賤百不失一二今之譁世邀利之徒皆祖述其書而未聞有窺其闕節機牙者蓋其爲技兼五星曆家之學既以日時推其分至氣節之淺深以步日月五星之所次又以其五行之生死王相清濁愛惡叅稽錯微銖稱寸較以處其所賦之賢否厚薄是以其言汪洋虛無而不可執持間有不合則曰是時豈植夷下漏之所定乎此所

以視諸家之技尤難見其工也近世士大夫束書不學而汲汲趣合於世唯恐不及故此技多售而其言亦往往而合吾常悼其然而不能救太息而已福唐蘓生以技來見因以所識十餘人之歲時評之益十得八九吾意挾他術也而窮其說則皆有理與吾所聞於古者不甚相遠也豈偶然邪不然韓退之所稱何以過然吾方將營自畝之田躬耕於深山長谷之中共爲子職以求其志視一世富貴何啻浮雲之過自而生廻謂我且進爲於世吾旣嘆其有學而多中念斯言之將不驗也故識以遺之生名蔽病目視不

踰尺以故不能馳騁其技於四方云靖康丁未四月
望日新安朱某序

富沙驛記

紹興十年今右朝請大夫郭侯璋來守建安不爲苛
斂之政郡以無事則曰建爲州南控兩越北走江淲
士大夫取道於我者日至而無所於館則問舍於逆
旅昔晉平公爲諸侯盟主銅鞮之宮數里而隸入之
垣以贏諸侯君子譏之今吾於居處遊觀不敢有增
而館舍無所其若四方之賓何如是營表故行牙廢
址子城西南而屬役於其屬葉顥趙伯聃以九月甲

子經始訖役於十一年三月丁巳土木之工以日計
者凡六千二百而民莫之知也庭戶嚴顯堂室靚深
昏明寒燠皆適人意又東南列四舍於門外食息之
所頒不問館人畢有無闕則雖車馬奔湊而猥至者
皆免與市人役夫肩隨踵蹣於鼈塵塗潦之間附驛
之南列屋三十楹積其倂以備木朽壁剥墉缺而甓
毀丹漆黝堊之憤閭圮落者以時繕之余方食崇道
之祿來客於建郭侯曰願有紀也三代之有司治其
廬舍委積以待賓客者備矣蓋秉禮立制而受之官
師細大具舉而豐省有度此所以爲先王之法非後

世所能及也去古浸遠士之甘嗜進趣者贏詘之不知而困弊所恃以稱賓客之爲故又不及是則或視事之荒堙廢墜於前者不肯一舉手媿得避慊之便以誘後人均之二者其處心之私一然則爲今之吏能舉事以便人非役志以干譽而求益也而民不以爲病則旣難矣於先王之法又庶幾不失其遺意雖欲不書其可乎新安朱某記

建安縣敕書樓記

建炎初詔州縣官寺趣無乏事他不急之役悉禁毋得以勤民建安縣廨自火於戊申之盜仍寓於民居之役其亦足以觀夫

尊勝院佛殿記

始予客政和往來建安必舍於城東所謂尊勝禪院者廈屋百楹清邃纓濁常灑然忘其漂泊之勞去之十年而再至則盜火之餘草出垣端庭穢屋庫而不可入其徒出汲於蓬蘽荆棘之間皆慘慘無人色是時主者非其人土物之出入不可知恬瘠其衆而自

封也已而執事者案見其罪斥去而以今淨悟大師
祖源易之源數主聞寺輒棄去廬於南山之巔澹然
益將老焉歲在庚申予罷官行朝寓居建溪之上而
源來見曰吾將首爲殿以居佛度費錢三百萬當勸
吾州之人有志於喜者使之樂捐所餘以助我是役
也成君必爲我記之予曰記易事耳建土瘠而人生
理薄又數經盜自朝廷常閔閔焉赤子視之非常賦
也不忍有所斂將安所取三百萬以佐子乎雖然子
必勉之子能勸子之人施錢以爲殿而我不能施文
以爲記乎源日建人自變亂以來行伍田廬之姦媿

快一時福不盈貲族夷鬼飢不見蹤跡吾儕方在水
火鋒鏑之間不自意全今乃復得甘食美衣虞樂仁
聖之澤非宿植善本則何以至此皆將率德蹈義以
道迎善祥鄙爭吝嗇之俗視昔者則旣瘳矣庶幾可
以廣吾師勸道羣生之意而幸有所立此吾所自詭
而不刻也明年旣成土木之工若干偉麗工巧不損
其舊蓋州之善士某人爲之倡而佛菩薩像之費則
助教吳公與獨狂之嗟乎人之可與爲善雖蕩析困
苦萬折而不變此天賦之秉彝未有知其所由始者
也仁人君子不絕於當世其勢可以鼓舞一世而納

之於善宜不足爲難然所謂移風易俗使天下回心而向道者或曠世而未之見此又何說歟予旣樂道建人之易與爲善因附之以所疑以風曉在位者又嘉源之不愆其志也爲之記其年月豈獨以少壯所遊而不忘也哉

清軒記

余少時未更憂患視天下之物警然不以屑意而尤少所合建陽劉文伯獨繹繼從余遊唯恐後已而余以貧隨牒四方僕邀衆人之後厄窮卑辱無所不嘗亦謂之俗以鄉舉試禮部時時書來相勞苦意不少

衰余旣稔於世故寓居建水之上蓋將老焉見文伯試於鄉有司場屋條對之文條鬯精密無中年衰憊之氣旣又無所合以歸書來曰北卽居之東閭屋若干楹花藥在列蓀竹以爲陰榜曰清軒間於疾疢取書史誦於其間客至淪茗論文悠然不知日之夕也予爲我記之余方汨當世之垢汙恨無餧粥之田可以歸耕庶幾跌蕩萬物之表文伯之歲事雖蘄蘄僅足顧方汲汲求決得失於匹夫之手而不能無介然於胸次此殆於余所謂厄窮卑辱者未之嘗爾文伯有田廬以爲歸異時倦游而反方徜徉此軒誦壁間

之記曰有是哉可以油然而一笑也新安朱某記

跋山谷食時五觀

右魯直食時五觀語予受而行之猶有愧於藜藿而况於玉食乎今錄以示諸弟而贊之以三語曰知耻可以養德知分可以養福知節可以養氣孔子曰我欲仁斯仁至矣豈欺我哉宣和壬寅五月二十八日建州龍居院上方書

戒殺子文

政和七年秋寓學雲溪之上聞溪上王氏婦死

一日夜而復蘇亟往問之具言所見云死之日入

室有二吏候於戶間趣之行沙莽中不知日之早晚也忽至一城通衢列肆如大都市凡其祖先與其親戚之死者皆驚怪相問勞吏引之官府西廊吏舍舍中簿書盈屋一吏投簿問婦汝非歙州婺源縣俞氏女乎曰然具問其祖父名與鄉里皆非也舍中吏愕然相顧曰是郡縣姓氏之同者呵二吏復往須臾一婦身血淋漓四五嬰兒攀緣牽挽而至兒狀甚忿切吏審以州縣姓名祖諱皆是指語王氏婦曰此婦凡殺五子冥司以其子訴冤甚不待算盡呼之吏誤呼汝歸語汝鄉里親戚慎母殺嬰兒人間容以幸免此

不汝赦也二吏復送婦及河推墮水中乃蘇尋問於所見追婦家死以其日矣余聞之曰冥漠之事不可得而知也吾鄉之人多止育兩子過是不問男女生輒投水盆中殺之父母容有不忍者兄弟懼其分已貲輒亦從旁取殺之冥追之誤果然乎則不可知不然其亦託以竦寤斯人也耶嗟夫人倫之愛勃如父母之於子者始生之嬰未及咿嚦而忍寘於死父母兄弟幾何不相率而相殘先王之時未成人而死者以殯禮葬之未成爲人而無辜以死猶云可傷况夫出腹而殺之無辜而可傷豈不甚哉自予來閩中聞

閩人不喜多子以殺爲常未嘗不惻然也無故殺子孫官有法甚明顧牽於習俗之昏則雖有法而不能勝夫法有所不能勝則亦何事於吾言然吾聞吳道子畫鄆都之變都人不敢屠宰者累月夫人固不可以法勝而可以理動者庖宰且可罷况其天性之愛乎是未可以厚誣斯人而懸斷其必不可告也故取王氏婦所見次第之雖然予文之不工豈能使人讀之聳然如見道子之畫哉其亦區區之意有所不能已也他日將有語其子孫者曰活汝者新安人朱喬年也或由此也夫

皇齊卷十一

新安朱松喬年著
廿三世裔孫振鐸重錄

表疏啓

代謝獎諭表

卽申華祝實問謹禪之言方恐堯舜亟拜都俞之謹
俯從人欲曲荷天慈中謝切以爲天下君旣擁三靈
之祐使聖人壽實繫四海之心矧冒寄於承宣久叨
承於扈從敢期日月之照不遺臣子之誠伏遇皇帝
陛下克享天心永作民主接昌期於千歲已幸親逢

讀細札之十行更勤寵賈臣無任云

代賀冬表

化日初長方謹羲和之照潛陽來復灼知天地之心
恭惟皇帝陛下蓄德粹剛撫時嘉謐靈承天紀孚祐
含生茂對時行道迎叶氣肆鴻儀之亞歲歛諸福以
錫民臣久荷寵光誤叨眷寄佩竹符於江海遙効嵩
呼瞻黼座於雲天亦同星拱

又

潛陽獨復至日舒長推神英以驗時降年有永得天
正而紀曆卜世其昌恭惟皇帝陛下道邁古初仁均

普率于帝其訓方歛福以錫民與時皆行自履長而
納祐明庭星拱誕舉鴻儀列辟嵩呼茂膺殊祉臣久
膺郡寄阻奉朝紳宣化海隅幸同於率舞傳觴玉座
但想於登歌

代賀道君皇帝表

斷自宸心進陟元后神器有託成功不居雖天實啓
其衷唯聖不失其正華夷慶忭今古罕聞恭惟
道君陛下運撫昌期心凝至道躬後天之曆數以不
冒於下民得率土之歡心方永承於景命遽傳元聖
退適希夷下陋周唐初非盛德之舉遠追堯舜不以

大物自私一德享天蕃釐有繼重明在御垂祐無疆
臣方守郡符阻陪庭列塞裳高蹈神馳汾水之游向
日微誠願効華封之祝

代賀天中節表

謳歌歸啟本曆數之在躬壽考祝堯信天人之合契
祥開載夙慶浹含生中賀恭惟皇帝陛下德紹文謨
功承武烈穰穰大福旣膺億萬之年翼翼小心自銷
九六之會行宅中而居正永躋壽以宜民臣方荷朝
恩外將使指迷瞻天仗方馳魏闕之心下酌民言願
獻周詩之祝

代進銀狀

膺圖霄極集鴻祐於三靈受計殊庭效多儀於萬國
前件物祥標瑞牒品列貢書瞻邇堯天虔効奉觴之
祝阻陪禹會心馳執玉之朝

又

柔祇出寶彰一人有慶之符方物克庭罄萬國多儀
之享稽貢書之列品亞上幣以稱珍川委嘉祥申祝
乾坤之壽天臨正宇莫陪玉帛之朝

代謝賜對衣金帶表

齊官出笥躬膺三服之珍漢詔錫金腰適萬金之麗

寵光曲遠衰朽增榮伏念臣頃自布韋浸塵紳組凝嚴列侍曾微華國之稱艱棘周旋蔑効捐軀之志驟從外服擢賓貳卿分符亟畀於江藩隸職愈親於宸極重忝便蕃之錫曷酌衣被之私此益伏遇皇帝陛下圖回中興總攬黎獻不差身章之寵式昭開寄之隆恩寔重於解衣未知報稱悖雖深於垂帶曷副憂勤

代進哲宗皇帝實錄表

若稽先王昭示來世追述功德蓋賴聖神之繼承蒐輯見聞具存文武之方冊垂光無極奕世所同恭惟

哲宗皇帝臨朝尊嚴初政淵默內承太母已形孝治之風外倚宗臣遂啓升平之運延登衆正賓服四夷屬邦誣力肆於綱更故國事遂歸於紹述追攷一時之異議皆非當日之本心仰惟皇帝陛下撫時多難躬德甚盛始初踐祚已明崇慶擁右之功推本承祧又述先朝孝友之志迺因間燕時御遺編念疑信之異傳典刑未泯察詆誣之無據邪正自分博延諸儒探纂前記臣方尸宰事夙被德音初之整齊舊事之能仰倍褒廣前烈之意至於芟夷猥釀補綴闕遺雖叨典領之榮名實藉編摩於多士龍興御曆欣正論

之顯行麟趾卒篇懼前修之難繼

天寧節功德疏

九清垂祐爰開兆聖之辰一德承休永撫出寧之運
人神胥賴夷夏交欣矧冒寄於承宣敢虔申於頤祝
當渚虹之慶節遵蕊簡之真科仰祈不宰之尊必致
無疆之壽伏願皇帝陛下永作民主克享天心睿德
日新福祿川至推仁溥率躋壽域以康寧儲思穆清
配道樞而長久

又

月旅辰移節復臨於盈數天旋日轉民久跋於清塵

輒緣愛戴之誠虔致禱祈之懇仰惟大覺洞鑒微衷
伏願宗祐垂休龍天薦祉旄頭隕地坐知鹵運之窮
緣耳籲雲卽見皇輿之復益崇曆算永燕宸恩

又

跡環天下雖夙慕於真遊恩浹人心自難忘於善祝
驟及言名之日具輸溪后之誠仰與覺慈必從衆欲
伏願上天眷顧諸佛護持平國成功歸饗九州之養
華封效祝永膺萬壽之期興運有開遺民是賴

天申節功德疏

執衡司序實開申命之祥膺錄御圖自享後天之曆

敢資善祝仰叩覺慈少伸蠟蟻之誠曷報乾坤之施
伏願皇帝陛下無疆介壽有截歸仁大輶天旋行執
望賢之轡靈旗星煥亟班涿鹿之師丕冒神州同躋
壽域

謝福州祈雨疏

常暘爲災南畝告病民瀕溝壑諒軫佛慈政戾陰陽
寔繇吏責僧伽大士法身常住願力無邊降升人天
運用悲智伏願洞昭精憫深憫疲羸並告山川之靈
大敷雷雨之施一蘓焦槁式副歸依

代請水白馬鱣溪廟疏

靈區峙勝大庇一方神物效祥普滋萬彙瞻茲南畝
適告亢陽用竭觸誠具嚴法供恭叩九淵之邃就分
一勺之涓仰蘄顧休卽告霑足訖成豐歲永賴神休

謝林郎中啓

學政師門方幸解顏之進剗章天陛忽披薦墨之光
盛德曷酌溢言難稱仰衝知獎但積愧懷伏念某衆
謂迂愚自知凡陋徒以弱歲知慕古人才不逮而志
強空仰聖門之高遠親方強而養闕苟脫名塲之險
巘忍爲小人而折腰蓋規斗粟以糊口旣素志之不
立媿先民其已疎顧流俗孰能知其心惟聖賢必有

處於此頃陪下邑之屬獲事大夫之賢羽翼未成將
仰勤於伏鵠鎮鉤自獻輒敢效於躍金雖祿薄以不
克幸職卑而易稱奉承懈緩已道遣訶送逆差池又
叨庇護俯憐衰拙何敢望於君子之門曲恃仁明有
以安其不肖之分茲爲幸曾更被薦論黼黻華章聳
觀衆目蒯管陋質假重一言愧溢心涯恩超望表茲
蓋伏遇某官德業久大材猷偉明望臨一時學貫千
載久隆眷注方此踐揚念報恩之孰先急援能之爲
務超超自棄曾微根柢之先容特達深知蓋出權衡
之公舉惟致身之文學懼不克堪若飭吏之廉勤或

能自勉某敢不益進其學求稱所蒙苟不辱於門闈
願永煩於陶冶私門修謝愧免俗而未能直道方興
知復古之有漸過此以往未知所裁

賀中書胡舍人啓

伏審光奉制恩典司書命伏惟慶慰伏以元聖御歷
中興撫期方秉武節之嚴芟夷亂略允資文德之助
叶濟艱難惟太微裁成於化元而內史贊襄於基命
道王德意咨訓誥之丁寧宣國威靈法雷風之鼓動
素推鴻筆果簡清衷恭惟某官邦家典刑人物冠冕
謀三斷國素蘊蓄於經綸騰實蜚聲久周旋於駁歷

凜霜臺之風采靡聞背闕以誼謹竦玉斧之威稜孰
敢按兵而顧望而自三長之選進班六押之崇入侍
凝嚴具輸忠讜舉英華於淳古救骯礲於斯文衆正
旣興並增廊廟之重不平可冀頓釋畝畝之憂豈徒
畢協於師言卽見進陪於國論某久於宗慕特荷獎
憐試使馳驅厭魚鹽之瑣碎受知感激覺肝膽之輪
困默自揣於衰蹤期永煩於元造未由趨拜徒切傾
瞻

賀福州張叅政啓

伏審肅奉制恩出臨侯屏奉丹書而造膝方渴於嘉

猷擁正節以偃藩暫煩於舊德凡依庇壽居切悚惶
恭惟某官學富經綸望隆諾弼凝嚴列侍素高華國
之文艱棘周旋益勵匪躬之操方聖神之踐運蹠後
久以奮庸席雋望以九遷人無異論奏膚公於兩社
帝所仰成惟長樂之名藩占全閩之奧壤笑談樽俎
從容雖異於平時襟帶山川鎮撫尤資於重望惟國
勢之安危繫輔相而廟謀之本根在朝廷諒膺校卜
之求卽有追封之召某尚食升斗久辱沉金識太白
於天津敢論疇昔見茂宏於江左幸託微生自憐冗
瑣之蹤阻拜熒煌之座邈瞻旌棨方聯少吏之下陳

仰累陶鎔願借大鈞之餘力歸依之悃敷述奚周

賀程待制知溫州啓

伏審甫趨召節亟拜綸恩延對西清雖渴嘉猷之告
假藩東道重違榮養之求諒惟物望之僉諾豈獨私
悰之欣屬恭惟某官材高國棟望重耆英踐履純明
凜奉身之一節風猷強濟歷盡瘁之百爲越從寄注
之嚴出總委輸之寄被恩言於三錫素簡清衷席峻
望以九遷待周華貫丐便輶輿之養就分帥閩之符
併狂寇之鱷鯢出遺民於塗炭果膺號召益見推明
陟降列庭副仄席輟食之歎藩宣外服有擊鮮戲絲

之歡度少憇於名邦卽進櫻於密務某門闥下列鄉
鄙晚生鑿枘不謀了無心於經世斗升自役方苟祿
以逮親誤蒙收錄之恩因有攀緣之意陰虬自躍儻
密會於風雲朽木難彫或蒸成於芝菌永言欣懼莫
罄敷宣

謝謝叅政啓

溫言曲薦逮莞廬之下陳窳質何堪被鉤陶之餘力
靖惟淺陋曷稱褒揚伏念某早守孤經亟廢未仕一
行作吏久困於抱關三金逮親愈勞於負米晚坐
嗟於急景低回益愧於初心友黨譏呵何異土牛之

留戀天涯流落真成木偶之漂浮念方力學於古人深耻自同於流俗蹈立身之矩矱非以干時間行道之權輿付之造物勉從吏役來算商縉義命所存敢懷不屑之意會計雖當實有易汗之憂仰藉庇存稍寬督過冀少稽於歲月求歸卽於田園絕希畯父之游自審竒屯之分何期誤舉驟激濡裏而况抱槧石渠羽儀上國橫經文席領袖諸儒永惟盛德之所加終懼溢言之難副此蓋伏遇某官斯民先覺吾道主盟綜九學之淵源作三朝之心膂入陪國論濟川瀆而得舟航出布藩條颶江河而灌尋尺搜揚羣彦翊

贊中興俯瞻衰遲特垂獎引某敢不追尋舊學勉介前修登李膺之門旣產品目游薛公之閣妄意攀緣儻坯治之無遺或桑榆之可冀過此以往未知所裁

賀謝叅政除萬壽侍讀啓

伏審介圭入覲前席延登西學貪賢方渴謀猷之告殊庭亢職聿彰體貌之隆明命誕敷輿情胥慶伏以事師古而有獲傳說稽首以復王義欲勝而必昌太公奉書而端冕惟君正而國定蓋源澈則流清仰陪資訪之勤允屬典刑之克緝熙聖學纂前哲之承圖眷倚宗臣修本朝之故事恭惟某官學臻聖與望冠

耆英經國高文遠追大訓亮天賢業簡在淵衷道德
被於布韋旣廣成均之化精忠貫於金石又高社稷
之功亟協師虞進聞大政謀王斷國士多誦於格言
尊主庇民世已蒙於高澤方當陽之備重遠請外以
均勞詔甫趨於暑行恩復延於晝接西清入侍聳觀
列辟之儀刑東閣荐開行正台階之符采某久於宗
纂特荷眷知聞道師門常預解顏之進飛章天陛誤
沾薦墨之餘竊自附於下風期永依於元造閔卑棲
於荒庫已藉褒揚拔滯迹於泥塗尚繁簡記依歸之
素敷述奚周

上纂翰林啓

卑棲冗肩絕跂崇高久掃迹於英蹕粗安愚守竊馳
心於德宇貪附下風雖稽履曷之瞻尤結藩牆之想
恭惟論思密勿陪侍穆清躬令德以考祥固靈襟而
擁福伏惟某言當世師表斯文典刑忠精自結於主
知風采從聞於輿誦豫扶衰之大義奮經世之遠猷
陞四座之華典冊造於大訓陟貳卿之峻德名冠於
中臺力祈勞逸之均暫佩藩宣之寄蕭生補外甫慰
遠民陸贊居中久懸睿想亟膺號召入副祥延忘前
席之勤日親帷幄被解衣之寵望絕臣隣惟文章闢

世道之盛衰而詔令宣朝廷之得意反醇釀於慶曆
益知皇運之隆體深切於正元彌識人心之固側聽
吉辰之獻遂符獨對之言式厭具瞻豈唯孤願伏念
某附道殊淺賦材疎卑強顏升斗之營悵流光其將
晚冥心尺寸之進信適俗而已疎顧方靡冗役之勞
何敢援同年之契寅緣過聽簡記襄蹤仰惟鑒裁名
教之宗方以長育人材爲樂曾未遑於擁篲輒妄意
於攀鱗拳曲無庸將前求於櫟括悍堅不棄冀仰累
於坯鎔永惟宗慕之深尤劇歸依之素願言珍齋前
對寵光

謝館職啓

拜嘉明命叨給札於禁林試可中宸驥策名於藏室
脫冥煩之冗役廁清切之英游祇荷甄收良深震愧
竊以上聖御曆中興撫期方秉武節之嚴芟夷僭亂
允資文德之助叶濟艱難纂逸典以宣猷闡英躔而
儲止庶幾封殖以俟選揜惟先王大訓之所藏靡歷
靈聿稽於詰訓備正六書之變革精覈於聲形冀因
點勘之勤益廣見聞之富向非多識天祿之奇字深
探酉陽之秘文搜薤葉於名山釘金根於往牒則何

以刊收四庫綜產九流如某者名實不揚人門俱下
抱孤經而于澤堅脫名場遭三尺以在公亟縻吏役
皇皇從食冉冉趨塵僅成旋効以不堪雖復傭耕而
何憾值潢池之方熾伏鑰理以深藏被檄行臺算商
瀨海爲親而喜忘冗瑣之卑棲援上何階固崇高之
絕跂已分甘於遠屏誤垂簡於旁招貝齒長飢空羨
公車之栗塵蹤易隔阻趨宣室之庭姑自信於奇屯
方日須於罷遣將改轍於下澤遂掃軌於修門俄被
恩言俾程薄技追煖姝之舊學取笑大方緝骯破裂之
蕪辭深慚少作寧酬發策甫就著篇大手旁觀駭羣

公之塔立皇明俯燭備清燕之衡程仰惟聖學之高
明內省寡聞而隕越敢期睿獎加錫俞音追飛羣玉
之峰獲宥於衆彥討譯曲奎於畫博攷於前言望不
素然恩誠有自此益伏遇某官材高經濟望重鶴誥
推至公之心整領人物收羣策之助圖回事功施及
妄庸濫陳揀拔咸池在御不遺曹鄙之詩華袞所褒
遂畧春秋之責某敢不益堅難進之節盡讀先見之
書潛心聖門尚友先哲辨魯魚之謬何足報於主成
澤霧豹之文尚少勤於長育過此以往未知所裁

代魏侍御謝提刑啓

承流千里方竊於誤恩託庇二天更塵於華薦辱言
已重引分非宜伏念某受材迂疎遭世休顯玷華塗
之下列昔何補於涓埃得支郡之左符今已愆於督
力民有豐登之樂心無撫字之勞苟幸庇存敢斲褒
薦溫言曲被寶踰黼黻之華陋質何堪但增嘵刺之
重此蓋伏遇某官立中道以待物慕上臣以事君方
榮路之峻躋眷衰蹤而俯錄顧竭其智力雖無以儒
飾吏之惄然老於詩書粗有學道愛人之志稍寬詞
誥加惠有終儻無愧於成言其敢忘於厚德過此以
往未知所裁

代陳叅政回李丞相謝轉官啓

伏審上流作屏方賴於折衝當寧念功亟聞於遷秩
牛辭屢却成命莫回未遑慶贖之修先拜溫言之寵
恭惟某官德業久大謀謨忠嘉方初政之清明首陪
興運旣違民之安樂允藉壯猷已絳西顧之憂彌重
仰成之體餘威所瞻式訛姦宄之心序爵更崇益注
聖神之意而乃久持謙柄愈厲高風豈惟務式於一
時固已紹隆於前哲某方嬰重責竊企下風股肱惟
人大懼天工之曠京師蒙福尚沿河濶之餘感佩之
悰敷宣罔况

謝宮觀啓

食而聽事久勤覆露之私噴有繁言重荷陶鎔之賜
得郡自試蒙恩不貲乃猶歷懇而有章亟獲奉祠而
自序捫心知幸銜施不忘伏念某卷曲之材分甘指
棄亨嘉之會理絕覬覦志氣凋零但恬然於義命神
明憤耗旣蕭颯於顚毛偶給札於玉堂遽飛纓於蓬
渚叨塵郎選託備史宜自抵謹訶卒頤調護矜其趨
走之舊假以息偃之安簪辟紵之多方蒙裂地攘支
離之臂獨勉受功然方當寧焦思而憂勞衆賢致身
以馳騁積糜廩稍苟逭馳驅旣永負於食功復何殊

於同利恧縮畏事覺精銳之坐銷懷安敗名顧家養
而自歎素餐之刺流汗以慙此蓋伏遇某官功高宗
臣德巍元哲謀合天意方宣厭難之威身爲國基實
錄扶衰之寄整領人物叶圖事功將躋四海於不平
猶軫一夫之不獲有如庸器亦託下風將絕企於修
門未知報稱尚激昂於末路不至惰渝

問候張丞相啓

去違門墻積有歲月託身埏埴分苦窳之無庸遠跡
泥塗固高明之絕跂欲布瞻依之懼懼干恩瀆之誅
方竊伏於海濱敢徹聲於從史恭惟贊辭論道均逸

撫封翕受至和具膺多祉伏以某官道契天則身爲國基當軸處中則多士豫附而功日起假鉞居外則大敵震動而人不憂方廟算之少勞尚天誅之未決卽承畫接無憚暑行下副具瞻仰寬焦思某久深宗慕昔荷甄收誤蒙方底之書俾趨交戟之陛甫止中都之秩荐陪藏室之遊而憤眊寡聞樸愚自信思金躍之戒每怡儼而厚顏亡穎出之奇但摧藏而卒歲莫知報効自抵謔詞職是負薪之憂猶曠沒階之禮曆日其吉趨風匪遙班作礪之篇行見進揚於休命賦袞裳之什尚無使至於他人

謝人書啓

海市征商偶繼西溪之躅士車稅歎幸瞻東魯之風更辱高文以爲先贊褒同華袞旣假寵於袞蹤報乏南金徒深銘於厚意

謝人詩啓

久厭斗升欲乘桴而浮海幸瞻冠冕殆忘肉以聞詔更塵黼黻之文坐增營蒯之重念雜佩相酬之未暇徒有報章雖賦詩見屬之過宜敢忘拜賜

定婚啓 爲甥正肖

竊伏閭閻久心傾於德義幸同土壤敢自附於婚姻

伏承某人婉婉多儀柔嘉有則某兄孫某藐是弱質
猶知義方惟節春秋莫坎相其饋祀肆求伉儷使撫
有其室家茲拜成言賜之內主旣襲祥於吉卜用委
幣於高閣軒冕照人雖大族非吾偶也蘋藻有奉抑
先君實寵嘉之

懷人和詩

南金氏新讀詩題

東學高文以公之貴就其詩題

首市西園賦

韋齋集卷十一

玉瀾集跋

英偉豪傑之士生必有所自來故其亡也決不泯滅
與草木俱腐觀玉瀾先生之集顧不異哉夫得則喜
失則悲有所不平則怨刺此詩人之情也惟深於道
者不然無入而不自得先生近之先生少有軼才自
負其長不肯隨俗俯仰厄窮踧踔有人所難堪而其
節愈厲其氣益高其詩閒暇畧不見悲傷憔悴之態
其視富貴利達真糲糠土苴爾春風一篇雍容廣大
有聖門舞雩氣象感事三篇慨然見經世之志自作
挽歌詞齊得喪一死生直欲友淵明於千載至所謂

王瀾集

自我識興廢於天無怨尤非深於道者能如是乎嗚呼以先生之才使其作於聲詩薦之郊廟發其所蘊措諸事業何愧古人百不一售使後世所以知公者獨此數十詩而已悲夫先生有兄曰韋齋白首郎潛不寃大用人以爲恨其詩凌厲高古有建安七子之風韋齋之子南康史君今又爲道學倡其詩源遠而流長信矣哉淳熙辛丑仲春望日梁溪尤袤敬跋尤袤初常州無錫人幼穎異稱爲奇童紹興八年進士累官至光宗朝除禮部尚書卒年七十謚文簡有文集六十卷行於世

王瀾集先始祖承事公第三子所作也公諱樟字

逢年舉建州貢元負軼才不肯俯仰於世未仕而卒其詩高遠近道原附韋齋公集後尤公題跋極稱之敬列於篇端惜公他文不傳並生卒年月家乘中亦無攷茲幸獲原本得詩八十三首重新授梓不使終於淪沒亦可少慰公靈之萬一爾

紫陽世孫玉敬識

樂府世平王

艸不剪繁花不修更衣百叟想公靈之萬一爾

乘中衣無好故幸無厭本醫苦入十三首重疾勞
輒忘悲歌以散愁散念吟文不懶並生本草民
卒其苦高歌以散愁散念吟文不懶並生本草民
安平樂無懷貢元賢知大公服鬼神

玉闢集目錄

五言古

乙丑除夜寓永興寄五二姪

葵道人之三山

感事三首

雪梅各一首

道中

七言古

次韻梅花

次韻寄求道人

徐彥猷以仇池詩句爲韻作詩十四章見示

答之

用東坡武昌寒溪韻三首

五言律

乙丑臘月

竹醉日懷故山

繁暑

大食瓶

夏夜極涼

尤溪縣之南李花千樹無一雜木春時嘗飲

其中酒家小軒可愛不知何故不曾作詩
追賦二首明年修故事當書之壁間

春風

穀雨

禡叟書云牡丹酴醿已盡胡不歸

七言律

二詩寄德粲並簡內觀諸友

寄人

十月上休日示求道人

因蹈元看竹了軒用去年方字韻作此

三山次潘靜之升書記韻

邈書寄出與李知哲唱和詩次韻

老兵種菊以謝之

鄭德予同遊桃花山次韻二首

九日與客語慨然有廬山之興

寓居南軒

廿二日晴暖可盡時不亂

答戲昭文梅花

僕自以四月十四日自延平歸所寓之南軒
積雨陰溼體中不佳二十五日夜夢至一
處流水被道色清絕若有欄檻而無屋宇
有筆硯皆浸水中予驚問何地旁有應者
曰此王閭堂也夢中欲取水中筆硯作詩
詩未成而覺意緒蕭爽殆不類人世雞已
一再鳴矣因賦此

贈周崇功

悼鄭彥繼書墓亭

六月二十日

夜坐池上用簡齋韻

平津

寄龔十三

書報國壁向年寓學於此嘗見虹下飲溪中

復聞子規

蓋竹與陳和仲昆季

寄夢肇

辛酉五月望簡陳和仲

五言排

九日與數客登善福院之絕頂晚飲茗飲閣
予以病先歸賦十二韻

姚大本以李義山詩韻作詩題息軒繼作

五言截句

春間四小詩書趙園壁追錄之

六言截句

折山道中寄湧翠道人

七言截句

和德粹三絕

草堂諸陳同遊崧山精舍冕仲攜琴先歸用
壁間韻二首

三山次鄭德予韻二首

次韻梅花兩絕句

延平道中二首

舟次鵝湖阻水因由董山四首

向年舟自三山上延平和人韻二首

元英折惠柚花

春寒

秋日三首

次嶺上壁間韻

自作挽歌辭

六言詩

目錄終卷開小楷書錄題

韋齋集卷十二

新安朱松喬年著

十七世裔孫玉重輯

行狀 墓誌銘 祭文

先君行狀

公諱森字良材姓朱氏世家歙州之黃墩七世祖天祐中以陶雅之命總卒三千戌婺源邑屋賴以安因家焉曾祖惟甫祖振父絢皆不仕公少務學科舉既廢不復事進取旣冠而孤他日歲時子姓爲壽舉先訓戒飭諦子諱諱以忠孝和友爲本且曰吾家業儒

積德五世後當有顯者當勉勵謹飭以無墜先世之業已而嗚咽流涕以奉養日短爲終身之憂曾中澹視世之榮利泊然若不足以干其心者家人生業未嘗掛齒子松遊鄉校時時少得失無所欣戚家旣素單久而益急或勸事生業曰外物浮雲爾無庸有爲也使子賢雖不榮於我足不然適重爲後日驕縱之資爾獨見松從賢師友避則喜見言色其篤於道義而鄙外浮榮蓋天資云晚讀內典深解義諦時時爲歌詩恍然有超世之志與人交無賢否皆得其懽心然胷中白黑了然人莫能名其爲通與介也以其

年月日卒於建州政和之官舍享年若干娶程氏三男松舉進士廩功郎初尉政和也次樞次樟二女未適人將以某年月日寓葬於政和護國院之側謹狀

楊遵道墓誌銘

公姓楊氏諱迪字遵道南劍州將樂人今徽猷閣待制提點西京嵩山崇福宮某之長子也曾祖某不仕祖某累贈朝議大夫公爲峩兒已能力學指物卽賦凜然如成人旣冠益貫穿古今孝友和易中外無間言乎居無喜愠色至急人乏困而樂其爲善財矯然敢爲必極其意而後已與人辨論綱振條析發微詣

極冰解的破聞者歛聳退而察其私言若不能出諸口故無賢不肖愛敬之蓋度不身踐不苟言也里有貸訟不決者連年公一言而兩家爲之平其誠信於人如此崇寧三年侍徽猷官荆南歸展先塋八月甲子次於邵武之傳舍以疾卒年若干初熙寧中河南二程先生紹絕學於孟氏不傳之餘四方學者顧俗學而自悼遊其門者惟恐後獨徽猷與二三公號入室公力遊太學聲出等夷一旦棄不顧抱經遊於伊川之門以邈然少年周旋羣公之間同門之士咸歛手以推先伊川少然可雅器許公公於易春秋尤爲

精義嘗曰人之不可無學猶飢渴之於飲食苟不知其方則常患乎異端之溺人人孰不知此而卒蹈之者習俗昏之也又嘗謂世論莊周恠誕喜詭聖人此正自淺陋何足以議周也大要周於聖人之道畧見圭角遽欲廣已造大而不能自持至分遊方之內外以爲二豈知夫聖人精義入神者乃所以致用利用安身者乃所以崇德乎凡著其所得及商畧古今爲文數百篇今有十二藏於家二程先生旣沒天下師尊其道者推楊氏謂徽猷公龜山先生不敢名而公負超詣絕人之資克世其學雖世之望公也則亦

然乃不幸而蚤世豈非命也耶公沒孤尚幼後若干年始克葬公於某州某縣某鄉某山之原娶葉氏朝議大夫致仕祖武之女配公無遺德以喪母致疾先公三年卒子男三人雲舉進士二早天雲與余相好學業志操能世其家者以舅氏撫州司馬曹事僑年之狀來請銘予不及識公自來閩中多從龜山門下士游間論近世學者至公皆曰吾不及也謹爲之銘銘曰斯文盛衰天實命之有嗜其徑異端乘之道堙不治以與聖違有志於得俗學惛之以見自私乖戾施孰爲毅然莫乘莫惛天蓋祐之使與斯文屹屹

龜山淵源伊洛如星之斗以表後學公爲之子妙質夙成目濡心渟食息訓經不踧不陵師訓是程軌道以趨不畔墨繩行滿鄉黨世孰知之遺文蔚然不可瑕疵胡不百年以究其業齋志莫陳方壯而折天其或者尚相公子我銘幽囊以告來世

承務郎致仕卓公墓誌銘

去建陽而南十里泉竹深靜岸谿而廬者有宋隱君子承務郎致仕卓公之所築也公旣孤置家事不問奉母夫人居焉喪葬盡禮不跡城邑者三十年某視公季子特立爲同年兄幸獲升堂拜公退而語世之

士大夫以謂古之常德君子俯仰不怍者如公蓋望其表而知之宣和五年夏六月過門則公以四月乙未捐館舍矣人哭公柩而退慰其孤且稱遺命將以九月十日襄廁於洞源之塋屬予銘之予視諸孤蔚然不勝哀不忍以荒拙辭謹按卓氏本福唐今爲建州建陽人者自公七世祖徙也曾祖某祖某考某皆不仕公諱某自元舉少力學無不通已而語人曰吾家子其可以腰臍不共爲親憂去治俯仰之養友誦二弟經紀其孤無可憾皇考屬疾有異僧過門察公憂甚授丹篆符詰朝失僧所在自是尊信內典晚益

精詣訓釋其書發明爲多既丁皇考憂不御葷酒終制燕居寢食有常蕭然一室晏如也心平氣和未嘗面短人然無賢不肖尊畏之鄉黨至無訟云季子學問浸有聞時時小得失若弗聞者至試不利禮部始手書古人詩開勉之生平折券不勝計繼室魏氏之亡公方主家事寢不能斂猶有誣其自私者未幾誣者嘔血疾首陪死於庭識者異之嘗有巨商告公有家難將返歸從者偶語有見圖意以精金一篋寄公去不索劑約踰年復來出篋示之對識宛然先是營壽藏一日遣人芟闢其道頃之得疾謝醫祝書四句

偈示諸子超然非世間語也時季子以廸功郎爲越之山陰丞飭書別之已乃坐逝蓋公所建立非易以死生動而況於義利之際然猶不及於疑且謗真爲善之難哉生平忠信勤約務要以身先子孫故諸子暨孫皆兢兢佩先訓端飭自立而其季遂以學行卓然爲聞人其奉身信道有無愧古人者非特見公訓子之方厚施而必報深蓄而徐發其在茲耶公享年若干重和政元需然以年及格而子藉吏部得今宣初娶張氏男五人其四曰某某某女二人長適王亮六一王舜孫告舉進士孫男女合十八人公猶子宣教

卽五常康縣雄實狀公行某視公丈人行也顧文字之不能工何以震耀潛德而燕賢子之心謹誌而銘之曰以媿自愚世顧曰智我求有常久不克值有隱卓公抱一陸沉德義爲佩而闕其音居然環堵鄉鄙是效不貴以驕日公師保夜旦死生泊無戚欣相彼儻來何值浮雲匪躬之羸肆惠於後以學發身公實有子洞源之樊公柩所宅有來承休質此幽刻

謁廟文

蒞官云始燭日告虔祇祓靈祠恭陳薄薦仰蘄聰直昭鑒潔誠冀我寵綏迄無災害

代福州禱雨諸祠文

七閩之農鑿山墾海以爲田雨暘之節少失其常則有旱沴之憂今茲春夏以來陽亢而雨憚高者源泉涸枯而不可耕下者又爲海鹵之所浸蝕溝壑在前民今其凜凜敢佈腹心于我明神惟神秩於明庭廟食茲土斯民歲時奔走饋祀世世而無敢怠者凡以神能佑佑陰陽易凶爲豐以免於饑饉流殍之故也惟神奮張威靈誕布甘澤以答斯民之望吏亦預受其賜

又

春秋書不雨傳曰書不雨閔雨也嗟乎爲今之吏雖未能無愧於民以干陰陽之沴而豈敢忘閔雨之意哉屬者雨濬陽驕種不入土三農告病懼不免於溝壑是用齋祓精虔引愆瀝懇控告於我有神惟神孚佑一方克享饋祀尚哀斯民搏手之急密會山川之靈誕敷雷雨之澤庶幾今秋猶得中熟民旣得以餘力奉公上之征賦長民之吏受職之神皆無愧於斯人者歲時潔醴豐牲以承事神世世其有斁乎

代謁先聖祝文

某聞先王所以治天下國家之道無不在於學而生

民以來未有如夫子者某肅將使指惣計閔部服官之初齋祓進見於學悉延諸生與之瞻望跪起於素王之庭豈獨昭示斯民興其蒙被道德之澤之意抑今干戈甫息公私困竭蓋將詢事選言求庶幾於君民兩足之訓仰止墻仞其敢不虔

代謁諸廟文

惟神受職明庭實司民命孚祐此土以無災害茲總妥輸奉將使指蒞司云始敢薦微誠

告贈官文

某罪逆不天未及伸區區鳥鳥之養而奄罹酷罰大息未報永懷身之憂一念及此心肺摧裂恭承餘訓備官於朝乃紹興七年歲在丁巳天子有事於明堂祇見天地以祖宗配發號赦天下追榮百執事有列位于外朝之親而某方備數館閣於是贈先考承事郎先妣太孺人今既三年矣方繫官於茲若朝夕未以曠敗卽罪而得去朝廷當躬持封冢詔書及命服以告于壘下南望楸梓長號雨泣謹因禋之政和以告

焚黃文

紹興七年天子有事于明堂天地報况祉福盈衍遂

推恩大夫士之有列位于朝者而及其親非獨廣孝治之風亦所以慰人子欲報罔極之意某於是時雖未有朝位而備數館閣有司案故事以考妣承事郎孺人之命告於第某不肖不足以荷先訓蒙被封家之寵而久官行朝又不卽奔告以無失時迺淹留至於今慙懼感咽不知所言恭惟神靈不昧尚膺天子丕顯休命

祭止君文

猗嗟止君市隱之倫紛擾金而爭先炳懷璧以自珍超獨懷於德義外不亂其光塵樂怡怡兮自適坦蕩蕩兮無垠隣承家之子弟服義方以資身吾來閩歲八周帳識久共何因惟先君之仲女婦子舍而通姻方言還而在道籬覲幣而未陳忽奉訃以來告奄捐俗而返真嗟乎天之不淑胡獨折此善人念此往哭其何及爲喪七而廢食頃聞公之晚歲頗玩志於竺文了一世之泡幻肝生死如夕晨曾具躬之不羸天以燕其後昆方世胄之有奕矧先德之未泯嗟性公復何憾悼生者之號冤馳斯文以侑奠庶冥漠之或聞

代鄭德與祭龜山先生文

道喪千載聖遠言堙矧曰國家莫善其身三川之郊
篤生至人公甫筮仕摵衣其門聖有遺訓俗學所霾
手摩層雲日星昭回六十餘年學者有師斯文所寄
天亦耆之靖康初元天子側席擢從史氏來長諫列
國勢危安廷議中式有懷必獻曰此予責帝在淮海
始初清明日御詩書渴見老成白髮蒼顏歸侍邇英
如周武王丹書是承德謝言旋田里燕息有言有行
四海是式謂當期頤難老永錫執餽乞言福我王國
云何一卧遽告易簣那人涕淚朝野大息嗟哉冥頑
多難所嬰避影趨風久愧未能越自世父執經師庭

德義之契施及晚生惟先君子謀謨密勿天高之年
勲著王室公畀銘章黼黻金石幽龕是藏以詔無極
盛德之賜曷酬萬一祖祭有期來從執拂帝懷元老
天不憊遺奠觴一哀豈獨吾私

祭鄭龍巖文

我尉尤溪少未聞道不安厥官趺宕物表維賢宰君
不我瑕疵美疢潛去砭之藥之比稍有聞追悔何反
見容則多賢哉師德九仙之別俯仰六年公官龍巖
手書見存知我倦游日困羈寢督以赴銓舊家來寓
來官公卿日訪代期阻闊十舍跋予望之重九之書

粲然累紙旣再涉旬與訃俱至嗚呼哀哉公與人交通介之間外同光塵涇渭了然達於民政心爲衡石清畏人知不求赫赫勝日婆娑萬事一尊考評書詩有流有源展矣吉人宜壽宜貴豈期微病一卧遂蛻位高疾顛基薄崇墉播惡遺臭形渥而凶公齊令名全歸墉下位雖不克不克無憾樂樂諸孤甫以喪歸身有吏責往弔不時德義之隆追懷永慨孰知予悲寄此一酌

蠹齋集卷十二

與外父祝公書

此書原集未載
見家乘今附入

松奉孃父幸安小五娘九月十五日午時免娠生男子幸皆安樂自去年十一月初在泉州權職官聞有鹵騎自江西入邵武者遂棄所攝撫家上政和寓龍寺五月初聞龔儀叛兵燒處州入龍泉買舟倉皇擣家下南劍入尤溪而松自以單車下福唐見程師在福唐聞賊兵破松溪隘驥驥東下已入建州攻南劍甚急又匆匆自間道還尤溪六月十四日蚤到縣而賊兵已在十數里外矣幸二舍弟已搬家深遯是日卽刻與縣官同走至家間所遁處賊在延平爲官軍

所破倉皇自山路欲遁下漳泉至此非其本心也過縣更不駐不甚害人亦不縱火家中上下幸皆無恙而隨行及流寓舍中衣服文字之類皆無所損失比他入爲尤幸也七月間方還縣而甌寧土寇范汝爲又出沒建劍之間其衆數千官軍遇之輒潰諸司不免請官招安以還狀受犒設將散其衆無何大兵自會稽來必欲進討昨日方報大兵冒昧入賊巢喪失數千人賊勢又震大路自今夏以來未嘗有一枕之安此懷如何得程壽隆近書云鄉里頗擾擾不詳言其故度切近江淵其可憂當不啻此唯聚糧深避勿

以一毫珍幣自隨乃爲上策此中雖城居但日夕爲遯入深山之計生意草草凡事苟且不知百年未滿之間如此者更幾時而後走耶來書謂松懶於從仕非也中世士大夫以官如農夫之於田其敢惰耶但未能赴行在問閩中所有不過權局遠不過三五月道里有遠近便不更攜家卽厚費獨行又非便是以且此跔藏意亦欲俟來春無事一走會稽見當奉報晉道帥福辟得一員屬官頃京朝官大年又未參部一切差遣皆疑是以皆參差也裘四久此頗忠憲可任繼忤逢年當擾攘中遂不告而去情理不復可耐

今此復來察其意色不復可制蕃每日來就食而夜宿客舍然地遠難得人力來往彼此資以通耗且羈縻不絕猶與尚可鞭策爾方賊至六月間在村中裘四亦在彼數使入呼之不至却妄云松在福唐未還又云賊破福州皆妄言也婺源先廬所在夢寐未嘗忘也來書相勸以歸當俟國家克復中州南北大定歸未晚也

文公全集內跋吏部府君與祝公書卽此篇也可見當時家無藏藁至文公六十四歲方得見之跋云內弟祝康國出示先君子與外大父書烹之不

肖於是始生故書中及之今六十有四年捧玩手澤涕血交零敬書其後而歸之紹熙癸丑十二月七日孤朝散郎秘閣修撰主管南京鴻慶宮熹謹書

玉瀾集

新安朱

楫逢年著

柴陽世孫

振鐸重鋟

玉重輯

五言古

乙丑除夜寓永興寄五二姪文公行
五十二

殘臘避新年疾馳不可輕梅花相行色更以風雨送傷哉綠林豪支派出章貢荐食今幾年金帛旣克棟王旅走山澤魄散失飢凍空聞米粟廉不救干戈痛冥冥紙錢底千室羅盞甕祀先不暇嘗一夜驚入夢書生口擊賊自愧脫嘲弄經營華陽馬想像丹穴鳳

融融聲教中焉得餘此衆由基執弧矢鼴鼠何足中
浮烟起南舍春事行倥偬桃寒強破蕊鳥靜獨成哢
詩成寫物色心匠與折衷章草簡阿戎溪頭試微諷

葵道人之三山

君家雙峰下祝髮事香火豈無遠遊志困此萬山裏
坐閱腰包中未接話已墮翩然問知津九仙入風柁
冥冥荔枝浦華屋紛破碣邂逅儻逢渠周旋寧作我
閉門造車語雖陋佛所可他年笑相視此計毋乃左

感事

大弓竊陽氏神鼎淪泗淵何須識微士周魯必不全

又

武庫一朝火斬蛇逐飛烟傷心睨前士氏齒定翛然
山川非晉土悲泣効楚囚一語強自慰淒迷望神州
刺史下荆水司農來石頭土園管夷吾過計非私憂

又

元規負康濟徒手嬰羣雄兵從歷陽來無地逃姦鋒
誰乎死社稷千載一十公英風與義氣建立成江東

雪梅各一首

去年雪欺客平地一尺深謝遣東閣花那顧西牀琴
故人初不知屋側乃見尋悠然振永起誰復明此心

又

寒梅卧烟雨山澤有奇氣六龍扶翼之月袂攬雲轡
先生九疑仙心識真筌秘裁詩作花骨瘦淨乃可貴

道中

疚憂効征行金火方抵梧宵分餉羣僕乘月問前路
小兒何自至械我陳洲渡暗浪擊層崖平沙起驚鶩
奔蒼川花開蓂蒙山氣聚物清豈不嘉閟滯非所遇
鈴語出林表風期呼我住尋幽本素志觸熱詠嘉句
午枕得高深復覺清景駐誰云適所願永之濟世具
以茲一夢頃可况百年遇咄哉郭氏子破甑尚欲顧

七言古

次韻梅花

陰陰雪意雲垂地曳策微行傍清泚眼明橫路出江
梅烟溟沙寒迷表裏當年一夢山月明依約瑤臺見
仙子俗緣掣肘意未了弄出飛瓊亂紛委摩娑銅狄
豈須詰滄海揚塵固其理花神縱步來閨苑羞怕唐
昌偷玉蕊回風自作粧半面泣露真成愁齦齒相看
一笑豈易得分與天香更清美那知脫屣塵寰去頃
刻蓬萊三萬里黃昏誰伴醉鄉歸天色無情淡如洗

次韻寄求道人

天工憤憤春無力桃李顰心少顏色夢中矯首望三
山我是東南未歸客巖壑交遊人姓支相思江月半
成規遙知草木代說法豈是畫餅隨兒嬉此身分不
過朝市何日相從拂衣袂豈容陶令載白蓮會作鄭
虔書落柿

徐彥猷以仇池詩句爲韻作詩十四章見示
答之

徐侯筆下波濤寬新詩示我清且閑誰能辛苦學飯
顆格轍已到元和問春寒十日不出戶坐想江柳分
烟鬟東坡老仙有奇句析韻琢句光爛斑疾雷一洗

牛蟻鬧羯鼓畧驚桃李頑周郎知音亦已久仲車着
語誰當刪大弨六鈞古稱重汝自力弱無由彎胡爲
坎坎事喚點今古可笑兒童孱鄉關春物入意匠水
光花氣相回環莫嫌衆口亂如沸當見三耳生其顏
嗟吾和詩雖已晚識君妙意存高山告君詩妙須飲
酒社甕一醉寧當慳彥猷戒酒常云人言吾詩好卽飲酒

用東坡武昌寒溪韻 同楊良翰

漫郎古邑埋蒿萊五柳合抱何人栽活溪未作天寶
頌爽氣已壓南昌梅蘇公鄧公先後到一時玉立高
嵬嵬扁舟載酒渡江水千山軟翠昏樓臺灌尊杯飲

追太古雲荒石老無紛埃歸來王署念赤壁側身西望銀濤堆英辭傑句相震發尚記野鳥窺空罍只今却數未百戰蟲篆想見留巖隈中原膻腥雜夸夏淮北城壘生毒苦公平天與濟世具曷不手引梟鸞開空遺筆力配元祐頓覺紙上干軍推禁中頗牧知在卽號令前日頒風雷丹青元向大羽出貂蟬要自堦銳來數公文字雖勝絕莫使變作離騷哀

又

東坡謫官未放回桃花不繫玄都栽機牙愛觸造物手五見江雨肥江梅扁舟一笑凌浩渺瘦筇結伴登

崔嵬澨尊故事逢浪多鳥篆真迹追涪臺

次山有涪臺銘見六

集漂流長有北闕夢邂逅果踏東華埃玉堂夜直對同舍金燭照座花成堆帝觴雨露澆舌本忽憶樊口傾山罍聯詩共刻醉眠處至今寶氣蟠巖隈關西夫子獨好事拔垣行卽吟蒼苔斯文突過元祐上已覺萬丈光芒開臨風弔客感赤壁公瑾孟德俱彫搥英雄割據亦兒戲安用七筋驚蚊雷東坡羽化不復返浪濶何日成歸來鸚鵡洲前舊時路寒波荒葦令人哀

姑園山又

王闢集

十一

故園山水真奇哉三徑蘭菊當年栽自嗟流浪不知返江城曉閣愁吹梅詩書邀我忽半世車轂前却連崔嵬試尋夷路到聖處馬力已竭煩輿臺去天尺五吐傑句孔丘盜跖俱塵埃坐疑蓬島尋丈爾扁舟徑入浮雲堆肩摩嵇向挽焦賀欲倒瀛海爲尊罍夢中失脚在何許千里閩越天南隈隻身形影自相弔俯仰馬鬣逝青苔蘭階彫謝知葉落荆樹慘淡無花開向來愚公不自度一手欲以太華摧那知天目山頂露兒啼下眎雲間雷華亭黃耳竟安在遼東白鶴還飛來終尋三十六峰去要假聾許平餘哀

五言律

乙丑臘月十七日立春

自數今年臘天饒半月春酒船欺白首桃壓笑青唇避地疎同隊一作黨逢人試問津傷心穿豹虎未肯

奔秦宿雨鱗甲一番新

竹醉日懷故山

一室真容鄰一作不何人客子猷土浮迎竹醉雲淨對山羞無地青歸幌他年翠繞樓且從隣寺去烟雨

一作雨外看沙鷗

不繁暑

繁暑不可度病餘少見招投隣借軒卧信手得書饒
壽我藥雙笈驚人詩一瓢醒心懸雪鷺只恐日薰銷

大食瓶

窳質謝天巧風輪出鬼謀入窑奔閼伯隨舶震陽侯
獨鳥藏心穩雙虹繞腹流可克王會賦漆簡寫成周

夏夜極涼

素簡久辭夜清風先戒秋稍深羣蛤吠草暗一螢流
言在殊無計心空尚有求按圖尋分野楚尾見吾州
尤溪縣之南李花千樹無一雜木春時嘗飲

其中酒家小軒可愛不知何故不曾作詩

追賦二首明年修故事當書之壁間

橋外茅茨好相過問酒錢李花今若此白髮自茫然
落日雲千步春風雪一川明朝記來處石澗響濺濺

又

見說小軒久無人喚我來直如春力快故遣客懷閑
玉立花千樹霞翻酒一杯江陵二月尾襟韻信難陪

春風

一舉造物手萬生和氣中酒邊排雪意詩裏要春風
了了誰孤起滔滔我卽空試詢三世事猶有讀書功

大艤谷穀雨

大點紛林際虛簷寫夢中明朝知穀雨無策禁花風
石渚收機巧烟蓑建事功越禽牢閉口吾道寄天公
一舉封 磻叟書云牡丹酴醿已盡胡不歸

客次驚衰白歸期先牡丹空枝兼病力啼鳥問愁端
平日長相憶東風忍不看水容亦零落唯是有春賓

良吉 七言律無人與我共取春代中央竝客醉酒

二詩寄德榮並簡內觀諸友

春風本自掣肘去那更病留過一旬滿眼山川雖不
改連天桃李已成塵銀河誰與洗兵馬寶唾安能泣
鬼神悵望故人分雪此飛雲落日在綸巾

水暖期又

九淵亭上二三子見說年來事事新隔水不容招手
喚曲窓已有畫眉人酴醿香好急攜酒鶼鶼聲繁催
送春笑我江南未歸客飄然天地一閑身

尋山寄人

一牛鳴地兩禪林霧雨初晴翠靄深熟路緣溪穿窈
窕疎鐘喚客出巒嶽未求黃卷成功處且辦青山遊
世心悵望不來還獨返秋風聊作暮雲吟

癸卯歲十月上休日示求道人

老禪獨卧千巖表枯木寒雲伴此身只倚藜根作詩

木昔分秋色與騷人心源落落故難合筆勢翩翩想絕倫記取濠梁斷金語三山好處要傳真

甘小選因蹈元看竹了軒用去年方字韻作此

淇澳渭川那復夢而今天遣出南方要觀大節須霜雪莫說此君無肺腸照水形容殊不惡臨風言語一何長山僧豈識留連意千里故人逢異鄉

卷之三山次潘靜之升書記韻

客路那知歲月長掀眉一笑苾芻房且傾徐邈聖賢酒不問陳登上上下牀雲影翻空迷海嶠秋聲隨夢到家鄉明朝各聽船窓雨猶憶枯某戰四郎

林朱
遯書寄出與李知哲唱和詩次韻

邂逅招提頓客輞十年塵土且休休三人月下從渠便二老風流到我不南北只今無好語山川如許更悲秋故應贋作鏘金句莫羨羣兒萬戶侯

老兵種菊以詩謝之

蔬畦雨徑策勲時徙種隣牆菊兩枝九日無人過朱放十分舉酒醉王尼花裁案玉秋風健香近龍涎曉夢知負口不應還負眼長鑱煩爾鎮相隨

鄭德予同遊桃花山次韻

江村卜築路斜斜模寫癯仙四壁家聞道讀書忘肉

味不緣避世宿桃花青山自作千年調白眼空驚一
望賒欲買雞豚投近社烟蓑雨笠寄生涯

又

春紅萬樹抱山斜落落真源自一家雲起坐中疑有
雨酒行杯面恐飛花塵緣未斷心雖勝他日重來約
尚賒畧倩淵明記遺事武陵今不在天涯

九日與客語慨然有廬山之興

九日黃花笑白頭分將牢落付林丘半川暝色聊償
夢別領秋聲旋寄愁江國經年成浪語匡廬入手是
真休未能免俗須登陟覘視元龍百尺樓

寓居南軒

雲氣披猖月意孤冬青倒影上庭隅燈橫老磬戛方
去書掩新芸蠹已無一世盡知關魯酒十年不擬歎
齊竽支頤坐覺疎星沒獨扣龍頭瀉醶奴

答戲昭文梅花

臘到方留此日寒雨多未覺過雲殘共轡臺柳葱葱
去獨抱園花細細看洗面不勞千點雪薰衣剝破一
分檀詩人窮苦誰料理只倚東風酒量寬

僕自貳四月十四日自延平歸所寓之南軒

積雨陰濕體中不佳二十五日夜夢至一

處流水被道色清絕若有欄檻而無屋宇
有筆硯皆浸水中予驚問何地旁有應者
曰此玉瀾堂也夢中欲取水中筆硯作詩
詩未成而覺意緒蕭爽殆不類人世雞已
一再鳴矣因賦此

遠蓬飛夢過雲鄉物色清輝眼界長閨闥未招金馬
士蓬萊先立玉瀾堂千尋濯足衣裘冷六字哦詩筆
硯香當與瑤池作同社紅巾青鳥兩相忘

贈周功崇

閩嶺浮沉二十年歸心日夜夢江天謾題甲乙煩君

看若說功名只自憐造物小兒知薄相箇中老子已
忘筌一筠聞作東南去豈欲求人左海邊

悼鄭彥繼書墓亭

蒼梧翠栢泣西風尺冢巍然宿草中寶劍何心求季
子隻雞今日過橋公麟經有味人誰識鶴陣論功氣
自雄欲拂蒼厓寫奇節陳琳檄手語言工

六月二十日二十一日立秋

天涯明日見秋風錯莫誰驚碧樹空豈意楚山招隱
處盡歸蜀客廣陵中釣魚聊爾針方直乞米茫然帖
自工獨卧南軒聽南澗蠻花猶作杜鵑紅

王漁集
夜坐池上用簡齋韻

落日解衣無一事移牀臨水已三回斗汎北嶺魚方
樂月過秋河鴈不來疎翠庭前供客話淺紅木末勸
持盃明明獨對蒼華影莫上睢陽萬死臺

平津

西風扶病上江橋老眼淒迷一色秋帆影戛雲追斷
鴈角聲吹月舞潛艸栽培白業初無路點檢青山始
欲愁左海此中纔咫尺何年烟雨解扁舟

寄龔十三

支頤獨獨北窓風恠事從今咄咄空簡策不知春色

晚山川渾落戰塵中花飄茵席三生浮草入池塘一
句工想見楚龔懷我處扁舟邀蕩夕陽紅

書報國壁向年寓學於此嘗見虹下飲溪中

復聞子規

昔與春風來此時攜書齟齬伴兒嬉山晴欄楯投蹤
霓身病林縕號子規短髮蕭蕭吹易盡長江滾滾去
何之欲追舊事無言說更作三生石上期

蓋竹與陳和仲昆季

玉樹成羣不可攀漫將牢落待蒼山五年分手河梁
外一夕連牀風雨間梅蕊凌寒春欲動酒盃無力病

相關朱陳自古同鄉社更約青雲作往還

寄夢肇

滄海橫流無處安只今且作夢中看豈須遊戲兩螭
角收此微茫一彈丸老境懷人山宛轉春風着物鬚
摧殘窮愁似與詩增氣嚼雪敲冰字字寒

辛酉五月望簡陳和仲

秀出雪峰一千衆挽回廬阜三十年赤鳥白馬吐傑
句黃花翠竹通幽禪竺師不假報文度鑿齒本自知
彌天可憐烏石嶺下路榕葉炯炯凝雲烟

五言排律

九日與數客登善福院之絕頂晚飲茗飲闋
予以病先歸賦十二韻

風日迫佳節一川秋意昏臨高分石磴却立數烟村
楚製隨雲物蠻花照酒痕龍山嗟未久藍水想空存
鴻鴈頻收唳茱萸幾斷魂拍肩尋熟路登閣換餘樽
鍾梵規繩濶親朋笑語溫加邇攜海嶠聞笛憶鄉園
夢記南柯守兵看左角奔詩比羞晉宋髮短任乾坤
汝輩禪心起今生道眼渾不知東障外灔灔湧金盃
姚大本以李義山詩韻作詩題息軒繼作
隱几心疑水擣孟影照山六窓開畔岸一榻埽中間

栢子方饑舌花枝忽解顏定餘牛自牧夢起蝶相關
闇闔初無路蓬萊別有班藏舟知夜失而壁竟西還
老矣從他笑公平伴我閑體坤詩更好分寸許躋攀

五言截句

春間小詩書趙園壁追錄之

柳態隨時秀花容近酒輕綠窓京洛語蓋抹早鶯聲

又

小語不知夕幽卉無盡時影寒人欲醉明月照酴醿

又

自得春風信開懷待此花餘寒固難棘今夕雪斜斜

又

夜月闌盃淺春風楚製輕故鄉空費夢來此聽溪聲

六言截句

折山道中寄湧翠道人六首

折山有路可上他日雲藏萬家用處何曾觸石一禪

指頭天涯

又

雲暖網橫危磴日沉舟泊平沙欸乃一聲歸去炊烟遙起蘆花

又

牛卧黃茅岡底鶯歸紅葉村邊可是太平無象溪橋
醉舞華顛

又

玉梅無意相惱嗾人烟雨疎疎擬寫箇中妙處語煩
不到西湖

又

草枯蟲躍驚響溪靜魚行閃光只麼時時管帶可須
細細商量

又

旣有女名靈照何妨自作維摩要見諸天辦供問他

風月山河

七言截句

和德粹

平生樂事在三餘不管梧陰過玉除絕尾忽參發緯
句風塵今日正愁予

又

心賞南樓一味涼波光山影上藜牀莫言體國非吾
事好夢不能千里長

又

未坐他年百尺樓浮雲身上且悠悠眼高四海騎鯨

客不見長安亦解愁

草堂諸陳同遊崧山精舍冕仲攜琴先歸用

事試莫不壁間韻是

來伴秋風十日閑筆端久已識波瀾煩君一醉雙風
月乞與兒曹白眼看

日風題又日五愁子

破塵妙語慰畸人鶴緣深衣雨墊巾獨自抱琴山下
去石橋月色爲誰新

三山次鄭德予韻

日腳微明雨脚疎誰將雲夢賦相如西南山好君知

不一見全勝讀異書

又

何日歸舟片葉輕白鷗相伴艤微鳴只應潮打蓬窓
處已作離騷一半清

次韻梅花

一月尤溪烟雨濃玉梅潭作玉人逢江南他日摘香
處莫忘雲間雙髻峰

又

清淺彎環遙故牆一身將影理殘妝西施俗處無人
見冷落吳宮溪水香

延平道中

一溪春漲午晴初日透波光綠浸裾却憶孤山山下
路石橋清澈看父魚

東坡集 又

雲間三十六峰高北望思歸夢亦勞來客雙降莫相
笑少低吾眼爲兒曹

舟次龜湖阻水因由董山

山雨疎疎心又驚起瞻天色斗微明他年一枕江闕
夢知憶蓬牕此夜聲

不二白 又

一川黃濁寫峴嶧苦恨南溪不盡吞三老亦知行意
速時時插竹記沙痕

又

拂拂朝霞到客舟苦疑雨意在鳴鳩好峰天半元相
識且作僧牀挾策遊

又

夢好山晴曉不知船邊今日見鬚眉向來快寫崑崙
地元有薰風綠盡時

向年舟自三山上延平和人韻

春江一月因揚船醉夢無人與喚醒欲識故交金石

處相逢詩裏眼猶青

又

春風一夢收桃李雙燕不知愁絕時卧向蓬窓飽蠹雨無人識此是新詩

元英折惠柚花

白玉繁花五葉芳春風吹盡洞庭霜河西道眼分明

處識破此中知見香

春寒

人道春寒早繁舟楚山一夜雨濶濶此生削跡江邊路嫩綠紛紅只自愁

秋日

鳴蜩初歇樹猶陰黃菊紅榴色轉深管領秋風有今日留仙羣稱辟寒金

又

簸弄天風髮彩涼西河一笑問吳剛借君玉斧煩輕手留取箇中秋影香外因未留且不聞

又

山靜溪回樹綠晴鷺羣點點雲分分影沉寒水初無意只是魚兒獨自驚

次嶺上壁間韻

雲臥雙峰祇對亭黃塵繁拂玉梅驚春風一棹歸來早誰作窓間擁鼻聲

歌

自作挽歌辭

憂幽坐南軒萬壑取我凶疾雷且不聞焉知草蟲愁
強顏理編簡閱世如東流滔滔竟不返誰復操戈矛
天涯念孤姪擣母依諸劉書來話悲辛心往形輒留
先塋託仙峰山僧掃梧楸二女隨母住外翁今白頭
伯氏尚書郎名字騰九州仲兄中武舉氣欲無羨曾
穠華一朝集荆樹三枝稠堂堂相繼去遺我歸山正

漆園

一作蘧蘧夢方覺白衣冉冉

一作雲正初

一作浮憑陵活踏

空何處停華輶故鄉豈不懷

一作戀

一作屋食良亦

一作易謀

自我識廢興於天無怨尤平生喜聞詩此詩當挽謳
不須生芻奠君從二兄遊

重鋟啟賢公韋齋集跋

啟賢公韋齋集於乾隆年間全朱子集版存考亭書院咸豐八年院遭匪燬二版俱為灰燼矣 覺夫族叔既懇 前學憲徐壽衡先生刊復 朱子集版又因婺祠遭燬籌復 朱子學的版茲又籌復 韋齋集版 王泮竊幸 祖集賴以不墜而不能於 覺夫族叔無深感也爰綴數語誌不朽焉且以告我族後之掌理祠事者 同治七年季夏既望紫陽嫡裔王泮謹跋

重鋟韋齋集參校姓氏

葉玉釗勉菴

楊新鼎齋

後學彭舒錦弦齋

童冠春淑甫

葉秉剛塞淵

參校

孔鐸

潮夢榮

紫陽後人振鐸

衍魯

錫疇

全校字

王泮

漢旌

樹春

卷之三

新編古今類要

卷之三

新編古今類要

卷之三

